

## AUGLÝSING

um breyting á gjaldskrá fyrir Rafveitu Seyðisfjarðar, nr. 108 8. ágúst 1949.

5

23. jan.

Auk heimildar í gjaldskránni til 20% hækkunar á raforkuverði, er bæjarstjórn heimilt að hækka öll gjöld samkvæmt gjaldskránni um 50%, þar til annað kann að verða ákveðið.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Atvinnumálaráðuneytið, 23. janúar 1952.*

**Hermann Jónasson.**

*Þorv. K. Þorsteinsson.*

## GJALDSKRÁ

fyrir rafveitu Kaupfélags Langnesinga, Þórshöfn.

6

24. jan.

### I. RAFORKA

Rafveita Kaupfélags Langnesinga, Þórshöfn, selur raforku á þann hátt og við því verði, sem hér segir:

#### A. Lýsing.

Um kwst.mæli á kr. 2.50 hver kwst. Við þessu verði skal selja hvers konar raforkunotkun, sem ekki kemst undir aðra liði þessarar gjaldskrár.

#### B. Suða.

Um kwst.mæli á kr. 1.00 hver kwst. Eftir þessum gjaldskrárlið er einungis seld raforka til fasttengdra suðutækja.

#### C. Vélar.

Þar sem orkan er seld til vélareksturs skal hún seld um kwst.mæli á kr. 1.80 hver kwst. Hafi vélarnar mjög stuttan notkunartíma, má krefjast minnsta árgjalds kr. 150.00 á hvert uppsett kw. vélanna.

Eftir þessum gjaldskrárlið má einnig selja raforku til götu- og hafnarlýsingar, svo og til nota um vinnulagnir við byggingar meðan á byggingu stendur.

### II. MÆLALÆIGA

Rafveitustjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

- |   |                    |
|---|--------------------|
| 1. Af einfasa mælum upp að 30 amp. ....   | kr. 2.00 á mánuði. |
| 2. — þrífasa mælum 50 amp. og minni ..... | — 3.00 — —         |
| 3. — þrífasa mælum 50 til 200 amp. ....   | — 7.00 — —         |

Af öðrum mælitækjum en þeim, sem hér eru nefnd, skal leigan vera sem næst 20% af verði mælitækisins. Leigan skal innheimt um leið og gjald fyrir raforku.

6

## III. HEIMTAUGAGJALD

24. jan.

Af hverri húsveitu, sem tengd er við veitukerfi rafveitunnar, skal greiða heimtaugagjald. Skal það vera sem hér segir:

1. Grunnkjald fyrir hverja loftlínuheimtaug ..... kr. 760.00
2. Grunnkjald fyrir hverja jarðlínuheimtaug ..... — 1140.00

Auk þessa grunnkjalds skal greiða kr. 5.00 af hverju þúsundi króna af brunamati húsa og mannvirkja. Hálfu þúsundi eða minna í brunabótamati skal sleppt í útreikningi þessum, en ella hækka upp í heilt þúsund.

Ef brunabótamat á húsi er gamalt getur rafveitustjóri eða stjórnarnefnd Kaupfélags Langnesinga samræmt það nýju mati og miðað heimtaugargjaldið við það. Láti húseigandi meta húsið á ný, skal þó heimtaugargjaldið miðast við það mat. Húseigandi greiðir grunnkjald heimtaugar um leið og heimtaugaruppsetningu er lokið. Hinn hluti heimtaugargjaldsins fellur í gjalddaga, þegar brunabótamat hússins hefur verið framkvæmt.

Sé lengd jarðlínuheimtaugar meiri en 25 metrar, og loftlínuheimtaugar meiri en 60 metrar, og/eða gildleiki víra meira en 3 sinnum 70 mm<sup>2</sup>, skal húseigandi greiða kostnað af því, sem fram yfir er.

Ef lagðar eru fleiri en ein heimtaug að húsinu, skal greiða allan kostnað við síðari heimtaug eftir reikningi.

## IV. OPNUNARGJALD.

Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veitu, skal taka gjald fyrir enduropnun kr. 20.00.

Ef fundin eru óleyfileg eða of stór vör, skal veitunni lokað tafarlaust, og verður hún ekki opnuð fyrir en notandinn hefur greitt kr. 20.00 gjald á skrifstofu rafveitunnar.

Stjórnarnefnd Kaupfélags Langnesinga, Þórshöfn, er heimilt að hækka eða lækka gjöld, sem ákveðin eru í þessari gjaldskrá, um allt að 20 af hundraði, án sérstakrar staðfestingar ráðuneytisins, enda sé breytingin auglýst í Lögbirtinga-  
blaðinu áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 frá 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Atvinnumálaráðuneytið, 24. janúar 1952.*

**Hermann Jónasson.**

*Þorv. K. Þorsteinsson.*